

“ТАСДИҚЛАНГАН”
“IShONCh sug’urta kompaniyasi” АЖ ҚҚ
Акциядорларининг 2022 йил 07-
апрелдаги умумий йиғилиши қарори
билан
Йиғилиш раиси



[Signature] Хамидов Б.С.

“IShONCh sug’urta kompaniyasi” АЖ ҚҚ АКЦИЯДОРЛАРИНИНГ УМУМИЙ
ЙИГИЛИШИ
ТЎҒРИСИДА
НИЗОМ

Тошкент ш.– 2022 йил

МУНДАРИЖА

- I. Умумий қоидалар
- II. Акциядорлар умумий йиғилишининг ваколатлари
- III. Акциядорларнинг умумий йиғилишида иштирок қилиш ҳуқуқи. Акциядорлар ва уларнинг ваколатли вакиллари рўйхатдан ўтказиш
- IV. Акциядорларнинг йиллик умумий йиғилишини ўтказишга тайёргарлик
- V. Акциядорларнинг навбатдан ташқари умумий йиғилишини ўтказишга тайёргарлик
- VI. Акциядорлар умумий йиғилишининг кворуми
- VII. Акциядорлар умумий йиғилишининг ишчи органлари
- VIII. Акциядорлар умумий йиғилишини олиб бориш тартиби
- IX. Акциядорлар умумий йиғилишининг баённомаси
- X. Акциядорлар умумий йиғилиши қарорларининг бажарилиши

I. УМУМИЙ ҚОИДАЛАР

- 1.1. Мазкур Низом “IShONCh sug'urta kompaniyasi” Акциядорлик жамияти қўшма корхонаси (қуйида матн бўйича – “Жамият”) акциядорларининг умумий йиғилиши мақоми ва фаолиятини, унинг ўтказилиши ва қарорлар қабул қилиниши тартибини белгилайди.
- 1.2. Низом қонун ҳужжатларига ва Жамият Уставига мувофиқ ишлаб чиқилган.
- 1.3. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.
- 1.4. Акциядорларнинг йиллик умумий йиғилиши молия йили якунлангандан сўнг олти ойдан кечиктирилмай ўтказилади. Акциядорларнинг йиллик умумий йиғилишида Жамият Кузатув кенгаши ва Тафтиш комиссиясини (тафтишчисини) сайлаш тўғрисидаги масалалар ҳал қилинади, Директор билан тузилган шартнома муддатини узайтириш, уни қайта тузиш ёки бекор қилиш имкониятлари тўғрисидаги масалалар кўриб чиқилади, шунингдек Жамият йиллик ҳисоботи, Жамият ижроия органи ва Кузатув кенгашининг Жамиятни ривожлантириш стратегияларига эришиш бўйича қўлланилаётган чоралар тўғрисидаги ҳисоботлари кўриб чиқилади.
- 1.5. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.
- 1.6. Акциядорларнинг умумий йиғилишини ўтказиш санаси ва тартиби, акциядорларга унинг ўтказилиши тўғрисида хабар бериш тартиби, Акциядорларнинг умумий йиғилишини ўтказишга тайёрланишда акциядорларга тақдим қилинадиган материаллар (ахборот) рўйхати Жамиятнинг Кузатув кенгаши томонидан белгиланади.

II. АКЦИЯДОРЛАР УМУМИЙ ЙИҒИЛИШИНING ВАКОЛАТЛАРИ

- 2.1. Акциядорларнинг умумий йиғилишининг ваколатлари қуйидагилардан иборат:
 - а) Жамият Уставига ўзгартиришлар ва қўшимчалар киритиш ёки янги таҳрирдаги Жамият Уставини тасдиқлаш, Устав фондини ошириш билан боғлиқ Жамият Уставига ўзгартиришлар ва қўшимчалар киритилиши бундан мустасно;
 - б) Жамиятни қайта ташкил қилиш;
 - в) Жамиятни тугатиш, Тугатувчи (Тугатиш комиссияси)ни тайинлаш ҳамда оралик ва якуний тугатиш балансларини тасдиқлаш;
 - г) Жамиятнинг Кузатув кенгашининг миқдорий таркибини белгилаш, унинг аъзоларини сайлаш ва уларнинг ваколатларини муддатдан олдин бекор қилиш, Жамиятнинг Кузатув кенгаши аъзоларига мукофот пуллари ва компенсацияларни тўлаш, шунингдек Кузатув кенгаши аъзоларига малакавий талаблар қўйиш;
 - д) эълон қилинган акцияларнинг энг юқори миқдорини белгилаш;
 - е) Жамият Устав фондини камайтириш;
 - ж) ўз акцияларини харид қилиш;
 - з) Жамият ташкилий тузилмасини тасдиқлаш, Жамият Ижроия органини ташкил қилиш, Ижроия орган фаолият тартибини белгиладиган Низомни тасдиқлаш;

- и) Жамият Директорини сайлаш ва унинг ваколатларини муддатдан олдин бекор қилиш. Жамият Директорини тайинлаш, одатда, танлов бўйича саралаб олиш асосида амалга оширилади, бунда чет эллик менежерлар иштирок қилишлари мумкин;
- к) молия йили якунлари бўйича Жамият соф фойдаси ҳисобига амалга ошириладиган рағбатлантирувчи хусусиятли тўловлар миқдорларини белгилаш;
- л) Жамият Тафтиш комиссияси аъзоларини (тафтишчисини) сайлаш ва уларнинг/уни ваколатларини муддатдан олдин бекор қилиш, шунингдек Тафтиш комиссияси (тафтишчи) тўғрисидаги Низомни тасдиқлаш, Жамият Тафтиш комиссияси аъзоларига (тафтишчисига) мукофот пуллари ва компенсацияларни тўлаш;
- м) Жамият йиллик ҳисоботини ҳамда ўрта муддатли ва узок муддатли давр учун Жамият фаолиятининг асосий йўналишлари ва мақсадларидан келиб чиқиб аниқ муддатлари белгиланган ривожланиш стратегиясини тасдиқлаш;
- н) Жамият фойда ва зарарларини тақсимлаш;
- о) Жамиятнинг Кузатув кенгаши ва Тафтиш комиссияси (тафтишчиси) ваколатларига кирадиган масалалар бўйича, шу жумладан қонун ҳужжатлари билан белгиланган Жамият бошқаруви талабларига риоя қилиш бўйича Жамият Кузатув кенгаши ҳисоботларини ва Тафтиш комиссияси (тафтишчиси) хулосаларини тинглаш;
- п) Акциядорларнинг умумий йиғилиши кун тартибини тасдиқлаш;
- р) акцияларни бўлиш ва бирлаштириш (консолидация қилиш);
- с) амалдаги қонун ҳужжатлари билан назарда тутилган йирик битимлар тузиш тўғрисида қарор қабул қилиш;
- т) қонун ҳужжатлари билан назарда тутилган ҳолатларда аффилиланган шахслар билан битимлар тузиш тўғрисида қарор қабул қилиш;
- у) ҳар бир турдаги акциялар бўйича тўлов шакли ва тартибда дивидендлар тўлови, дивиденд миқдори тўғрисида қарор қабул қилиш;
- ф) Жамият Ижроия органи томонидан аффилиланган шахслар билан битимлар ва йирик битимлар мустақил равишда тузилиши учун Жамият жорий хўжалик фаолияти билан боғлиқ битимларни белгилаш;
- х) Корпоратив бошқарув кодекси тавсияларига риоя этиш мажбурияти тўғрисида қарор қабул қилиш;
- ц) Акциядор вакили бўлган Директорнинг Ижроия органи аъзоларини сайлаш масаласи бўйича овоз бериш ҳуқуқини чеклаш;
- ч) Корпоратив бошқарув кодекси тавсияларига риоя этилмаганлиги ёки ушбу кодекс билан назарда тутилган ахборот ошкор қилинмаганлиги учун Жамият мансабдор шахсларига нисбатан жавобгарлик чоралари белгиланади;
- ш) мажбурий аудиторлик текширувини ўтказиш учун аудиторлик ташкилотини белгилаш, унинг хизматлари учун энг юқори тўлов миқдори тўғрисида қарор қабул қилиш ва у билан шартнома тузиш (шартномани бекор қилиш);
- ш) қонун ҳужжатларига, Жамият Уставига ва мазкур Низомга мувофиқ бошқа масалаларни ҳал қилиш.

а), б), в), д), о), т)-бандлари билан назарда тутилган масалалар бўйича қарорлар Акциядорларнинг умумий йиғилишида иштирок қилаётган овоз берувчи акциялар эгалари – Акциядорлар тўртдан уч кўпчилик овозлари билан қабул қилинади.

Қолган масалалар бўйича қарор Акциядорларнинг умумий йиғилиши томонидан Акциядорларнинг умумий йиғилишида иштирок қилаётган овоз берувчи акциялар эгалари – Акциядорларнинг оддий кўпчилик овозлари билан қабул қилинади.

2.2. Акциядорлар умумий йиғилиши ваколатига киритилган масалалар ҳал қилиниши учун Жамият Ижроия органига берилиши мумкин эмас.

III. АКЦИЯДОРЛАРНИНГ УМУМИЙ ЙИҒИЛИШИДА ИШТИРОК ҚИЛИШ ҲУҚУҚИ. АКЦИЯДОРЛАР ВА УЛАРНИНГ ВАКОЛАТЛИ ВАКИЛЛАРИНИ РЎЙХАТДАН ЎТКАЗИШ

3.1. Акциядорлар умумий йиғилиши ўтказиладиган санагача уч иш кунидан олдин тузилган Жамият акциядорлари реестрида қайд этилган акциядорлар Акциядорлар умумий йиғилишида иштирок қилиш ҳуқуқига эгалар.

3.2. Жамият акциядорнинг талаби бўйича унга Акциядорлар умумий йиғилишини ўтказиш учун тузилган Жамият акциядорлари реестрига киритилганлиги тўғрисида ахборотни тақдим қилиши шарт.

3.3. Жамият акциядорлари реестрига у тузилган санада киритилмаган шахсларнинг бузилган ҳуқуқлари тикланган ёки уни тузиш вақтида йўл қўйилган хатолар тузатилган тақдирдагина Жамият акциядорлари тузилган реестрига қонун ҳужжатлари билан белгиланган тартибда ўзгартиришлар киритилиши мумкин.

3.4. Акциядорлар умумий йиғилишида Жамият акциядорлари реестрида қайд этилган акциядорлар, уларнинг ваколатли вакиллари, Жамият аудитори, Кузатув кенгаши аъзолари, Жамият директори ва Тафтиш комиссияси аъзолари (тафтишчиси) иштирок қилиш ҳуқуқига эгалар.

Жамиятнинг Кузатув кенгаши, Тафтиш комиссияси аъзолигига (тафтишчиси) ва Жамият директори лавозимига номзодлар Акциядорлар умумий йиғилишида ўз номзодлари кўриб чиқилишида иштирок қилишлари мумкин.

3.5. Акциядорлар умумий йиғилишида иштирок қилиш учун акциядорлар ёки уларнинг ваколатли вакиллари йиғилиш ўтказилиши тўғрисидаги билдириш хатида қайд этилган жой ва вақт бўйича рўйхатдан ўтишлари керак.

3.6. Акциядор вакили Акциядорлар умумий йиғилишида ёзма шаклда тузилган ваколатнома асосида иштирок қилади. Овоз бериш учун ваколатнома ушбу ваколатномани олувчи ва берувчи тўғрисидаги маълумотлар (исм-шарифи ёки номланиши, турар-жой манзили ёки бўлиш жойи манзили, паспорт маълумотлари)ни ўз ичига олиши керак.

3.7. Акциядорлар умумий йиғилишида иштирок қилиш учун келган акциядорлар – жисмоний шахсларни рўйхатдан ўтказиш паспорт ёки акциядорнинг шахсини тасдиқловчи бошқа ҳужжат тақдим қилинганда амалга оширилади, вакилига нисбатан эса – шунингдек, нотариал тарзда тасдиқланган ваколатнома ҳам тақдим қилиниши керак.

3.8. Жамият акциядори – юридик шахс раҳбари Акциядорлар умумий йиғилишидаги ўз ваколатларини уни лавозимга тайинлаш тўғрисидаги ҳуқуқий далолатнома ва шахсини тасдиқловчи ҳужжат асосида лавозими бўйича амалга оширади.

3.9. Акциядор – юридик шахс вакили Акциядорлар умумий йиғилишида унинг номига ташкилот раҳбари имзоси остида берилган ваколатнома мавжуд бўлганда ёки ушбу ташкилот муҳри билан тасдиқланган таъсис ҳужжатлари билан тегишли ваколат берилган бошқа шахс номидан иштирок қилиши мумкин.

3.10. Жамият акцияси бир неча шахсларнинг умумий ҳисса эгаллигида бўлган ҳолатда, Акциядорлар умумий йиғилишида овоз бериш ҳуқуқи уларнинг ихтиёрига кўра умумий ҳисса эгаллиги иштирокчиларидан бири ёхуд уларнинг умумий вакили томонидан амалга оширилади. Қайд этилган шахсларнинг ҳар бири ваколатлари тегишли равишда расмийлаштирилган бўлиши керак.

3.11. Номинал акция эгаси Акциядорлар умумий йиғилишида акция эгаси бўлиш тўғрисида топшириқ берган шахс билан тузилган шартномага мувофиқ иштирок қилади.

3.12. Акциядорлар умумий йиғилишини ўтказиш учун тузилган Жамият акциядорлари реестрига мувофиқ, мазкур Низомга 1-сон иловлага мувофиқ намуна бўйича қайд этиш рўйхати тузилади.

Қайд этиш рўйхати жузланган (брошюранган), рақамланган, тикилган ва Жамият муҳри билан тасдиқланган бўлиши керак.

3.13. Умумий йиғилишни ўтказишда акциядорлар (уларнинг вакиллари) қайд этиш рўйхатига имзо қўядилар ва Жамият акциядорлари реестри маълумотлари бўйича белгиланган ҳар бир акциядорнинг овоз берувчи акциялари сонидан келиб чиққан ҳолда овоз бериш учун бюллетенлар тўпламини оладилар (2-сон илова).

3.14. Умумий йиғилишда иштирок қилган шахс ўз ҳисобига унинг томонидан тўлдирилган бюллетень нусхасини олишга ҳақлидир.

3.15. Акциядорлар, шу жумладан миноритар акциядорлар овоз беришда биргаликдаги нуқтаи назарларини шакллантириш учун акциядорлик битимларини тузиш ҳуқуқига эгалар.

3.16. Агар йиғилиш иштирокчиси бир ёки бир неча акциядорлар манфаатларини ифодалаш учун ваколатнома тақдим қилса, унга акциядор (акциядорлар) номидан овоз бериш учун бюллетенлар берилди, қайд этиш рўйхатида эса манфаатлари ифодаланаётган акциядор

фамилияси қаршисида қуйидагича эслатма қилинади: “_____ (миқдори) овоз берувчи акциялар бўйича “___” _____ 20 йилдаги “___”-сон Ваколатнома бўйича” ва вакилнинг фамилияси, исми, отасининг исми кўрсатилади.

IV. АКЦИЯДОРЛАРНИНГ ЙИЛЛИК УМУМИЙ ЙИҒИЛИШINI ЎТКАЗИШГА ТАЙЁРГАРЛИК

4.1. Акциядорлар умумий йиғилишини ўтказишга тайёргарлик Жамиятнинг Кузатув кенгаши томонидан ўтказилади, жумладан у қуйидагиларни белгилайди:

- Акциядорлар умумий йиғилиши ўтказиладиган сана, жой ва вақти;
- Акциядорлар умумий йиғилишининг кун тартиби;
- Акциядорлар умумий йиғилишини ўтказиш учун Жамият акциядорлари реестри тузиладиган сана;
- Акциядорлар умумий йиғилишини ўтказиш тўғрисида акциядорларни хабардор қилиш тартиби;
- Акциядорлар умумий йиғилишини ўтказишга тайёргарликда акциядорларга ва давлат вакилига тақдим қилинадиган ахборот (материаллар) рўйхати;
- овоз бериш учун бюллетень намунаси ва матни.

4.2. Акциядорлар умумий йиғилиши ўтказиладиган сана ушбу йиғилиш ўтказилиши тўғрисида қарор қабул қилинган кундан эътиборан 24 кундан олдин ва 30 кундан кейин белгиланиши мумкин эмас.

4.3. Акциядорлар умумий йиғилишини ўтказиш тўғрисидаги хабар Акциядорлар умумий йиғилиши ўтказиладиган санагача йигирма бир кундан кечиктирилмай, бироқ 30 кундан олдин бўлмаган муддатда Жамият расмий веб-сайтида, “Тошкент” РБФ расмий веб-сайтида (Жамият акциялари Биржа котировка варағига киритилган ҳолатда) ва оммавий ахборот воситаларида Капитал бозорини ривожлантириш агентлигининг Ягона корпоратив ахборот портали расмий веб-сайтида эълон қилинади, шунингдек акциядорларга электрон почта орқали юборилади (3-сон иловага мувофиқ).

Жамият акциядорга мустақил равишда ёки Жамият ва қимматли қоғозлар бозорининг малакали иштирокчиси ўртасида тааллуқли хизматлар кўрсатиш юзасидан тузиладиган шартномага мувофиқ қимматли қоғозлар бозорининг малакали иштирокчиси орқали билдириш хати юборишга ҳақлидир.

4.4. Акциядорлар умумий йиғилишини ўтказиш тўғрисидаги хабар қуйидагиларни ўз ичига олиши керак:

- жамият номланиши, жойлашган манзили (почта манзили) ва электрон почта манзили;
- акциядорлар умумий йиғилиши ўтказиладиган сана, вақти ва жойи;
- жамият акциядорлари реестри тузиладиган сана;
- акциядорлар умумий йиғилишининг кун тартибига киритилган масалалар;
- акциядорлар умумий йиғилишини ўтказишга тайёргарликда акциядорларга тақдим қилинадиган ахборот (материаллар) билан акциядорларни таништириб чиқиш тартиби;
- акциядорларнинг умумий йиғилишида иштирок этиш ва овоз бериш, шу жумладан ахборот-коммуникация технологияларидан фойдаланган ҳолда масофадан туриб иштирок этиш ва овоз бериш тартиби.

4.5. Акциядорлар умумий йиғилишини ўтказишга тайёргарликда акциядорларга тақдим қилинадиган ахборот (материаллар) Жамият йиллик ҳисоботини, Жамият йиллик молия-хўжалик фаолиятини текшириш натижалари бўйича Жамият Тафтиш комиссияси (тафтишчиси) ва аудиторлик ташкилоти хулосаларини, Жамиятнинг Кузатув кенгашининг Жамият директори билан тузилган шартнома муддатини узайтириш, қайта тузиш ёки бекор қилиш имкониятлари тўғрисидаги хулосасини, шунингдек Жамиятнинг Кузатув кенгаши ва Тафтиш комиссияси (тафтишчиси) аъзолигига номзодлар тўғрисидаги маълумотларни, Жамият Уставига киритиладиган ўзгартиришлар ва қўшимчалар лойиҳасини ёки Жамият янги таҳрирдаги Устав лойиҳасини, шу жумладан Жамиятнинг Кузатув кенгашининг Акциядорлар умумий йиғилиши кун тартиби юзасидан нуқтаи назарини ўз ичига олади.

4.6. Акциядорлар умумий йиғилишини ўтказишга тайёргарликда акциядорларга такдим қилиниш учун мажбурий қўшимча ахборот (материаллар) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

4.7. Акциядорларга берилиши лозим бўлган ахборотдан (материаллардан) акциядорларнинг умумий йиғилишида иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган шахслар акциядорларнинг умумий йиғилиши ўтказилгунига қадар ва уни ўтказиш вақтида фойдалана олиш имкониятига эга бўлиши керак.

4.8. Жамият овоз берувчи акцияларининг жами энг камида бир фоизи эгаси ҳисобланган акциядорлар (акциядор) Жамият молия йили якунлангандан сўнг тўқсон кундан кечиктирилмаган муддатда Акциядорлар йиллик умумий йиғилиши кун тартибига (4-сон иловада қайд этилган намуна бўйича) фойдани тақсимлаш бўйича таклиф киритиш ҳамда Жамиятнинг Кузатув кенгаши ва Тафтиш комиссиясига (тафтишчисига) номзодларни таклиф этиш ҳуқуқига эга, номзодлар сони ушбу орган миқдорий таркибидан юқори бўлиши мумкин эмас.

4.9. Жамият овоз берувчи акцияларининг жами энг камида бир фоизи эгаси ҳисобланган акциядорлар (акциядор) Акциядорлар йиллик умумий йиғилиши ўтказилиши тўғрисида хабар эълон қилинган санадан эътиборан уч иш кунидан кечиктирилмаган муддатда кун тартиби, фойдани тақсимлаш, бошқарув ва назорат органлари аъзолигига номзодлар бўйича таклифлар киритишга, уларни Акциядорлар умумий йиғилиши ўтказилгунгача ўзгартиришга ҳақлидир.

4.10. Акциядорлар умумий йиғилиши кун тартибига масала уни киритаётган акциядор (акциядорлар) номидан тааллуқли сабаблари, унга тегишли акциялар сони ва тури кўрсатилган ҳолда ёзма шаклда киритилади.

Жамиятнинг Кузатув кенгаши ва Тафтиш комиссияси (тафтишчиси) аъзолигига номзодларни кўрсатиш тўғрисида таклифлар киритилганда, шу жумладан мустақил равишда ўз номзоди кўрсатилган ҳолатда, номзоднинг исм-шарифи, унга тегишли акциялар сони ва тури (номзод Жамият акциядори ҳисобланган ҳолатда), шунингдек номзодни кўрсатувчи акциядорлар исм-шарифи (номланиши), уларга тегишли акциялар сони ва тури қайд этилади.

4.11. Жамиятнинг Кузатув кенгаши келиб тушган таклифларни кўриб чиқиши ва уларни Акциядорлар умумий йиғилиши кун тартибига киритиш тўғрисида ёки қайд этилган кун тартибига киритишни рад этиш тўғрисида мазкур Низомнинг 4.8-бандида белгиланган муддат тугагандан сўнг 10 кундан кечиктирмай қарор қабул қилиши шарт.

4.12. Қуйидаги ҳолатлардан ташқари, акциядор (акциядорлар) томонидан киритилган масала Акциядорлар умумий йиғилиши кун тартибига киритилиши керак, худди шундай кўрсатилган номзодлар Жамиятнинг Кузатув кенгаши ва Тафтиш комиссиясига (тафтишчисига) сайловлар бўйича овоз бериш учун номзодлар рўйхатига киритилиши керак:

- акциядор (акциядорлар) томонидан мазкур Низомнинг 4.8-бандида белгиланган муддатга риоя қилинмаган;
- акциядор (акциядорлар) мазкур Низомнинг 4.8-бандида назарда тутилган Жамият овоз берувчи акциялари сони эгаси ҳисобланмайди;
- агар Жамият органларига номзодлар тўғрисидаги маълумотлар тўлиқ бўлмаса;
- таклифлар “Акциядорлик жамиятлари ва Акциядорлар ҳуқуқларини ҳимоя қилиш тўғрисида”ги Қонун талабларига жавоб бермайди.

4.13. Акциядорлар (акциядор) улар томонидан Жамиятнинг Кузатув кенгаши ва Тафтиш комиссиясига (тафтишчисига) кўрсатилган номзодлар рўйхатига Акциядорлар йиллик умумий йиғилиши ўтказилиши тўғрисида хабар эълон қилинган санадан эътиборан уч иш кунидан кечиктирилмай ўзгартиришлар киритиш ҳуқуқига эга.

4.14. Масаланинг Акциядорлар умумий йиғилишининг кун тартибига киритилиши ёки номзоднинг Жамиятнинг Кузатув кенгаши ва Тафтиш комиссиясига (тафтишчисига) сайловлар бўйича овоз бериш учун номзодлар рўйхатига киритилиши тўғрисида ёки қайд этилган кун тартибига ёки номзодлар рўйхатига киритиш асосланган тарзда рад этилиши тўғрисида Жамиятнинг Кузатув кенгашининг қарори масалани кун тартибига киритиш ёки номзодларни номзодлар рўйхатига киритишни таклиф қилган акциядор (акциядорлар)га қарор қабул қилинган санадан эътиборан уч иш кунидан кечиктирилмай юборилади.

4.15. Масаланинг Акциядорлар умумий йиғилишининг кун тартибига киритилиши ёки номзоднинг Жамиятнинг Кузатув кенгаши ва Тафтиш комиссиясига (тафтишчисига) сайловлар бўйича овоз бериш учун номзодлар рўйхатига киритилишини рад этиш тўғрисида Жамиятнинг Кузатув кенгашининг қарори устидан судга шикоят аризаси берилиши мумкин.

4.16. Акциядорлар умумий йиғилишининг Раиси Акциядорлар умумий йиғилиши аудио-видеога ёзилишига ва Интернет тармоғида намойиш этилишига рухсат беради.

V. АКЦИЯДОРЛАРНИНГ НАВБАТДАН ТАШҚАРИ УМУМИЙ ЙИҒИЛИШINI ЎТКАЗИШГА ТАЙЁРГАРЛИК

5.1. Акциядорларнинг навбатдан ташқари умумий йиғилиши Жамиятнинг Кузатув кенгашининг куйидагилар асосидаги қарори бўйича ўтказилади:

- унинг ўз ташаббуси бўйича;
- Тафтиш комиссиясининг (тафтишчининг) ёзма талабига кўра;
- талабнома тақдим қилинган санада Жамият овоз берувчи акцияларининг энг камида 5%и эгаси ҳисобланган акциядор (акциядорлар) талабларига кўра (5-сон иловага мувофиқ).

5.2. Жамиятнинг Кузатув кенгаши ваколатларини муддатдан олдин бекор қилиш масалалари бўйича Акциядорларнинг навбатдан ташқари умумий йиғилишини ўтказиш тўғрисида талаблар асослари куйидагилардан иборат:

- Ўзбекистон Республикаси қонун ҳужжатларига, Жамият Уставига, Акциядорлар умумий йиғилиши қарорларига риоя қилмаслик;
- Жамиятга зарарлар келтирилиши ва акциядорлар мулкий ҳуқуқларига зиён етказилиши, шу жумладан Жамиятнинг молия-хўжалик фаолияти жиддий ёмонлашиши, фойда ва рентабеллиги пасайиши, ишлар ва хизматларнинг реализация қилиниши асоссиз равишда қисқартирилиши билан боғлиқ зарарлар етказилиши;
- Жамиятнинг иқтисодий ночорлиги (банкротлиги) юзга келиш аломатлари ёки таҳдидлари мавжудлиги, давлат бюджети, бюджетдан ташқари фондлар олдида, ходимларга иш ҳақи тўлаш бўйича тургун қарздорлик мавжудлиги.

5.3. Акциядорларнинг навбатдан ташқари умумий йиғилишини ўтказиш тўғрисида талабномаларда йиғилиш кун тартибига киритилган масалалар бунинг сабаблари қайд этилган ҳолда ифодаланиши керак. Агар Акциядорлар навбатдан ташқари умумий йиғилишини чақириш Жамиятнинг Кузатув кенгаши аъзолари ваколатларини муддатдан олдин бекор қилиш тўғрисидаги масала киритилиши билан боғлиқ бўлса, бундай йиғилишни чақириш тўғрисидаги талабномалар Жамиятнинг Кузатув кенгаши ваколатларини муддатдан олдин бекор қилиш тўғрисидаги масаладан ташқари, Кузатув кенгашининг янги таркибини сайлаш масалаларини кун тартибига киритиш тўғрисидаги таклифларни ўз ичига олиши керак.

5.4. Жамиятнинг Кузатув кенгаши Жамиятнинг Тафтиш комиссияси (тафтишчиси) ёки Жамият овоз берувчи акцияларининг энг камида беш фоизи эгаси ҳисобланган акциядор (акциядорлар) талабномалари бўйича чақириладиган Акциядорлар навбатдан ташқари умумий йиғилиши кун тартибига масалалар тузилишига ўзгартиришлар киритишга ҳақли эмас.

5.5. Акциядорлар навбатдан ташқари умумий йиғилишини чақириш тўғрисидаги талабнома акциядор (акциядорлар) томонидан киритилган тақдирда, ушбу талабнома бундай йиғилиш чақирилишини талаб қилаётган акциядор (акциядорлар)га тегишли акциялар сони ва тури қайд этилган ҳолда уларнинг исми-шарифи (номланиши)ни ўз ичига олиши керак.

5.6. Акциядорлар навбатдан ташқари умумий йиғилишини чақириш тўғрисидаги талабнома Акциядорлар навбатдан ташқари умумий йиғилиши чақирилишини талаб қилаётган шахс (шахслар) томонидан имзоланади.

5.7. Жамият Тафтиш комиссияси (тафтишчиси) ёки Жамият овоз берувчи акцияларининг энг камида беш фоизи эгаси ҳисобланган акциядор (акциядорлар) томонидан Акциядорлар навбатдан ташқари умумий йиғилишини чақириш тўғрисидаги талабномалар тақдим қилинган санадан эътиборан 10 кун ичида Жамиятнинг Кузатув кенгаши томонидан Акциядорлар навбатдан ташқари умумий йиғилишини чақириш тўғрисида ёки бундай йиғилишни чақириш рад қилиниши тўғрисида қарор қабул қилиши керак.

5.8. Жамият Тафтиш комиссияси (тафтишчиси) ёки Жамият овоз берувчи акцияларининг энг камида беш фоизи эгаси ҳисобланган акциядор (акциядорлар) талабномалари бўйича

Акциядорлар навбатдан ташқари умумий йиғилишини чақириш рад қилиниши тўғрисида қарор қуйидаги ҳолатларда қабул қилиниши мумкин:

- Акциядорлар навбатдан ташқари умумий йиғилиши чақирилишини талаб қилаётган акциядор (акциядорлар) мазкур банднинг биринчи қисмида назарда тутилган Жамият овоз берувчи акциялари сони эгаси ҳисобланмайди;

- кун тартибига киритиш учун таклиф қилинган масалалардан ҳеч бири Акциядорлар умумий йиғилиши ваколатларига киритилмаган;

- кун тартибига киритиш учун таклиф қилинаётган масала “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонун талабларига жавоб бермайди.

5.9. Акциядорлар навбатдан ташқари умумий йиғилишини чақириш тўғрисида ёки бундай йиғилиш чақирилиши рад қилиниши тўғрисида Жамиятнинг Кузатув кенгашининг асосланган қарори бундай йиғилиш чақирилишини талаб қилаётган шахсларга қарор қабул қилинган санадан эътиборан уч иш кунидан кечиктирилмай юборилади.

5.10. Акциядорлар навбатдан ташқари умумий йиғилиши чақирилиши рад қилиниши тўғрисида Жамиятнинг Кузатув кенгаши қарори устидан судга шикоят аризаси берилиши мумкин.

5.11. Мазкур Низомнинг 5.7-банди билан белгиланган муддат мобайнида Жамиятнинг Кузатув кенгаши томонидан Акциядорлар навбатдан ташқари умумий йиғилишини чақириш тўғрисида қарор қабул қилинмаган ёки бундай йиғилиш чақирилиши рад қилиниши тўғрисида қарор қабул қилинган ҳолатда, Акциядорлар навбатдан ташқари умумий йиғилиши бундай йиғилиш чақирилишини талаб қилаётган шахслар томонидан чақирилиши мумкин.

Бундай ҳолатда, Акциядорлар умумий йиғилишини ўтказишга тайёргарлик бўйича сарф-харажатлар Акциядорлар умумий йиғилиши қарори бўйича Жамият маблағлари ҳисобига копланиши мумкин.

5.12. Акциядорлар навбатдан ташқари умумий йиғилишини ўтказишга тайёргарлик Жамиятнинг Кузатув кенгаши томонидан ёхуд қонун ҳужжатлари билан белгиланган ҳолатларда мазкур Низом билан белгиланган тартибда Акциядорлар умумий йиғилишини чақириётган шахс томонидан амалга оширилади.

VI. АКЦИЯДОРЛАР УМУМИЙ ЙИҒИЛИШИНING КВОРУМИ

6.1. Акциядорлар умумий йиғилишида иштирок қилиш учун рўйхатдан ўтказиш яқунланган пайтда Жамият жойлаштирилган овоз берувчи акцияларининг жами эллик фоиздан ортиқ овозга эга акциядорлар (уларнинг вакиллари) рўйхатдан ўтказилган бўлса, Акциядорлар умумий йиғилиши қонуний (кворумга эга) ҳисобланади.

6.2. Йиғилиш бошланишининг белгиланган вақтидан сўнг 60 дақиқадан кўпроқ вақт мобайнида кворум ҳали йиғилмаган бўлса, Акциядорлар такрорий умумий йиғилишини ўтказиш санаси эълон қилинади. Акциядорлар такрорий умумий йиғилишини ўтказишда кун тартибининг ўзгартирилишига йўл қўйилмайди.

6.3. Етарлича кворум йиғилмаганлиги туфайли қолдирилган Акциядорлар умумий йиғилиши ўрнига чақирилган Акциядорлар такрорий умумий йиғилиши, агар ушбу йиғилишда иштирок қилиш учун рўйхатдан ўтказиш яқунланган пайтда Жамият жойлаштирилган овоз берувчи акцияларининг жами қирқ фоиздан ортиқ овозга эга акциядорлар (уларнинг вакиллари) рўйхатдан ўтказилган бўлса қонуний ҳисобланади.

Акциядорлар такрорий умумий йиғилишини ўтказиш тўғрисида хабардор қилиш мазкур Низом билан белгиланган тартибда амалга оширилади.

6.4. Агар такрорий йиғилишда кворум йиғилмаган бўлса, акциядорлар томонидан чақирилган йиғилиш ўтказилмаган ҳисобланади ва бошқа чақирилмайди. Кузатув кенгаши, Тафтиш комиссияси (тафтишчиси) ёки Жамият аудитори томонидан чақириладиган йиғилиш кворум йиғилгунга қадар чақирилади.

6.5. Кворум мавжуд эмаслиги туфайли Акциядорлар умумий йиғилиши ўтказиладиган сана 20 кундан камроқ вақтга ўзгартирилганда, умумий йиғилишда иштирок қилиш ҳуқуқига эга акциядорлар ўтказилмаган умумий йиғилишда иштирок қилиш ҳуқуқига эга акциядорлар реестрига мувофиқ белгиланади.

VII. АКЦИЯДОРЛАР УМУМИЙ ЙИҒИЛИШИНING ИШЧИ ОРГАНЛАРИ

7.1. Умумий йиғилиш ишчи органлари куйидагилардан иборат: раёсат (президиум), санок комиссияси, котиб (котибият).

7.2. Акциядорлар умумий йиғилиши раёсати ва раиси Акциядорлар умумий йиғилишида сайланади. Акциядорлар умумий йиғилиши Жамиятнинг Кузатув кенгаши раиси томонидан, унинг узрли сабаблар бўйича йўқлигида эса – Жамиятнинг Кузатув кенгаши аъзоларидан бири томонидан олиб борилади.

7.3. Акциядорлар умумий йиғилиши раиси йиғилиш раёсатига раҳбарлик қилади, йиғилиш олиб борилишини таъминлайди ва бунинг учун ўз вазифаларини тегишлича бажариш учун керакли барча ваколатларга эга бўлади.

7.4. Акциядорлар умумий йиғилиши раиси йиғилиш жараёнига раҳбарлик қилади, умумий йиғилиш ишчи органлари фаолиятини ўзаро мувофиқлаштиради, масалаларни муҳокама қилиш тартибини белгилайди, маърузачиларнинг нутқ сўзлаш вақтини чеклайди, йиғилиш олиб борилиши ва овоз бериш жараёни бўйича изоҳлар беради, залда тартиб сақланишини назорат қилади.

7.5. Акциядорлар умумий йиғилиши раиси умумий йиғилиш баённомасини имзолайди.

7.6. Овозларни ҳисоблаш, Акциядорлар умумий йиғилишида иштирок қилиш учун акциядорларни рўйхатдан ўтказиш, шунингдек овоз бериш учун бюллетенлар топшириш учун Жамиятнинг Кузатув кенгаши томонидан санок комиссияси ташкил этилиб, унинг сон ва шахсий таркиби Акциядорлар умумий йиғилиши томонидан тасдиқланади.

7.7. Санок комиссияси таркиби уч кишидан кам бўлмаслиги керак. Санок комиссияси таркибига Жамиятнинг Кузатув кенгаши ва Тафтиш комиссияси аъзолари (тафтишчиси), Жамият директори, шунингдек ушбу лавозимларга номзодлари кўрсатиладиган шахслар киритилиши мумкин эмас.

7.8. Акциядорлар умумий йиғилишида овоз бериш “Жамият битта овоз берувчи акцияси – битта овоз” қондаси бўйича амалга оширилади, Жамиятнинг Кузатув кенгаши аъзолари сайловлари бўйича кумулятив овоз бериш ўтказиладиган ҳолатлар бундан мустасно.

7.9. Акциядорларнинг умумий йиғилишида кун тартибидаги масалалар бўйича овоз бериш овоз бериш бюллетенлари орқали ёки ахборот-коммуникация технологияларидан фойдаланган ҳолда масофадан туриб амалга оширилади.

7.10. Овоз беришда овоз берувчиларга эҳтимолий овоз бериш вариантларидан фақат биттаси қолдирилган масалалар бўйича овозлар ҳисобланади. Қайд этилган талаблар бузилган ҳолда тўлдирилган овоз бериш учун бюллетенлар ҳақиқий эмас деб эътироф қилинади ва улардаги масалалар бўйича овозлар ҳисобга олинмайди.

Овоз бериш учун бюллетень овоз бериш учун қўйилган бир неча масалаларни ўз ичига олган тақдирда, мазкур банднинг биринчи хатбошида қайд этилган бир ёки бир неча масалаларга тегишли талабларга риоя қилмаслик умуман овоз бериш учун бюллетень ҳақиқий эмас деб эътироф қилинишига олиб келмайди.

7.11. Акциядорларнинг умумий йиғилишида кун тартибидаги масалалар бўйича ахборот-коммуникация технологияларидан фойдаланган ҳолда масофадан туриб овоз берилганда овоз бериш бюллетенларидан фойдаланилмайди. Бунда овозга қўйилган масалалар бўйича қабул қилинган қарорнинг қонунийлиги акциядорни акциядорларнинг умумий йиғилишида иштирок этиш учун рўйхатга олишда фойдаланиладиган электрон рақамли имзо билан тасдиқланади.

7.12. Санок комиссияси унга юклатилган вазифаларни бажариш юзасидан мустақил доимий амал қилувчи йиғилиш ишчи органи ҳисобланади ва Жамиятнинг Кузатув кенгаши таклифи бўйича Акциядорларнинг умумий йиғилиши томонидан сайланади.

7.13. Санок комиссияси ваколатлари муддати Акциядорларнинг умумий йиғилиши томонидан сайланган пайтдан Акциядорлар тегишли (йиллик ёки навбатдан ташқари) йиғилиши томонидан санок комиссиясининг янги таркиби сайланган (ёки қайта сайланган) пайтгача ҳисоблаб чиқилади.

7.14. Акциядорларнинг умумий йиғилишини ўтказишга тайёргарликда санок комиссияси Кузатув кенгаши топшириғи бўйича куйидаги функцияларни бажаради:

- Акциядорларнинг умумий йиғилишида иштирок қилиш ҳуқуқига эга акциядорлар рўйхатини тузади;
- овоз бериш учун бюллетенларни ва умумий йиғилишнинг бошқа материалларини топширади, топширилган бюллетенлар ҳисобини юритади.

7.15. Олдинги Акциядорларнинг умумий йиғилиши томонидан сайланган санок комиссияси Акциядорлар умумий йиғилишида қуйидаги функцияларни бажаради:

- Акциядорларнинг умумий йиғилишида иштирок қилиш учун акциядорлар (уларнинг вакиллари)ни рўйхатдан ўтказди;
- ваколатномалар ва улар томонидан тақдим қилинадиган ҳуқуқлар ҳисобини юритади;
- овоз бериш учун бюллетенларни ва умумий йиғилишнинг бошқа маълумотлари (материаллари)ни топширади;
- Акциядорлар умумий йиғилиши қворуми мавжудлигини белгилайди.

7.16. Ўтказилаётган Акциядорлар умумий йиғилиши давомида таркиби тасдиқланган санок комиссияси қуйидаги функцияларни бажаради:

- акциядорлар (уларнинг вакиллари) томонидан умумий йиғилишда овоз бериш ҳуқуқи реализация қилиниши билан боғлиқ юзага келган масалаларни изоҳлайди;
- овоз бериш учун киритиладиган масалалар бўйича овоз бериш тартибини изоҳлайди;
- Акциядорларнинг белгиланган овоз бериш тартибини ва овоз беришда иштирок қилиш ҳуқуқларини таъминлайди;
- овозларни ҳисоблаб чиқади ва овоз бериш яқунларини ҳулосалайди;
- овоз бериш яқунлари тўғрисида баённома тузади;
- овоз бериш учун бюллетенларни архивга топширади;

7.17. Овоз бериш яқунлари тўғрисидаги баённома акциядорлар умумий йиғилишининг, шу жумладан ахборот-коммуникация технологияларидан фойдаланган ҳолда масофадан туриб ўтказиладиган умумий йиғилишининг қворуми мавжудлиги ҳақидаги маълумотни ўз ичига олади.

VIII. АКЦИЯДОРЛАРНИНГ УМУМИЙ ЙИҒИЛИШINI ОЛИБ БОРИШ ТАРТИБИ

8.1. Акциядорларнинг умумий йиғилишини олиб бориш тартиби ҳар бир Акциядорлар умумий йиғилишида мазкур Низомга мувофиқ тасдиқланади.

8.2. Кузатув кенгаши раиси умумий йиғилиш раёсати ва котиби (котибияти)ни, шунингдек зарур ҳолларда санок комиссия янги таркибини сайлаш таклифини киритади.

8.3. Акциядорларнинг умумий йиғилишини олиб бориш тартиби йиғилиш иши бошланадиган ва тахминий яқунланадиган вақтни, чиқишлар ва танаффуслар муддатини, кун тартибидаги масалалар кетма-кетлигини, кун тартибидаги масалалар бўйича маърузачиларнинг фамилиялари ва лавозимларини, овоз беришни амалга ошириш ва унинг натижаларини эълон қилиш тартибини назарда тутди.

8.4. Йиғилиш давомида юзага келадиган жорий масалалар йиғилиш раиси томонидан қуйидаги асосий қоидага асосланиб яқка тартибда ҳал қилинади: Акциядорларнинг умумий йиғилишида муҳокама қилинадиган масала бўйича чиқиш ҳуқуқидан ҳар бир иштирокчи белгиланган вақт доирасида фойдаланиши мумкин.

8.5. Кун тартибидаги масалалар муҳокамасида иштирок қилишни хоҳловчилар умумий йиғилиш котиби (котибияти)га муҳокама қилиш учун масала кўрсатилган ҳолда ёзма ариза берадилар.

8.6. Кун тартибидаги барча масалалар муҳокама қилингандан сўнг йиғилиш раиси Акциядорлар умумий йиғилишини ёпиқ деб эълон қилади.

8.7. Акциядорларнинг умумий йиғилишини ўтказиш чоғида умумий йиғилишда, кун тартибидаги масалаларни муҳокама қилиш ва овозга қўйилган масалалар бўйича қарорлар қабул қилишда иштирок этиш имкониятини берадиган ахборот-коммуникация технологияларидан фойдаланилиши мумкин.

IX. АКЦИЯДОРЛАР УМУМИЙ ЙИҒИЛИШINIНГ БАЁННОМАСИ

9.1. Акциядорларнинг умумий йиғилиши котибиятининг миқдорий ва шахсий таркиби Акциядорлар умумий йиғилиши томонидан тасдиқланади.

9.2. Умумий йиғилиш котибияти қуйидагиларни амалга оширади:

- умумий йиғилиш ўтказилиши жараёнининг баённомасини тузади;

- Ёзма аризалар бўйича йиғилиш кун тартибидаги масалалар муҳокамасида иштирок қилишни хоҳловчилар қайдномаларини юритади;

- Акциядорларнинг умумий йиғилиши ёпилгандан сўнг ўн кундан кечиктирилмай икки нусхада Акциядорлар умумий йиғилишининг баённомасини тузади.

9.3. Акциядорлар умумий йиғилишининг баённомасида қуйидагилар қайд этилади:

- Акциядорлар умумий йиғилиши ўтказилган сана, жой ва вақти;
- Жамият овоз берувчи акциялари эгалари – акциядорлар эга бўлган овозлар умумий сони;
- йиғилишда иштирок қилаётган акциядорлар эга бўлган овозлар сони;
- умумий йиғилиш раиси (раёсати) ва котиби (котибияти), йиғилиш кун тартиби;
- чиқишлар асосий қоидалари, овозга қўйилган масалалар, овоз бериш якунлари ва умумий йиғилиш томонидан қабул қилинган қарорлар.

9.4. Акциядорларнинг умумий йиғилиши баённомасининг ҳар икки нусхаси Акциядорлар умумий йиғилишига раислик қилувчи ва умумий йиғилиш котиби томонидан имзоланади.

9.5. Санок комиссияси баённомалари умумий йиғилишнинг алоҳида қарор билан тасдиқланмайди, балки маълумот учун қабул қилинади ва умумий йиғилиш баённомасига бириктириб қўйилади.

9.6. Акциядорларнинг умумий йиғилиши баённомаси имзолангандан сўнг, Санок комиссияси Жамият йиғилиш ҳужжатлари сақланадиган архивга, жумладан, умумий йиғилишнинг қайд этиш рўйхатини, овоз бериш учун муҳрланган бюллетенларни, Санок комиссияси аъзолари томонидан имзоланган овоз бериш якунлари тўғрисидаги баённомаларни ва Акциядорлар умумий йиғилишининг баённомасини топширади.

X. АКЦИЯДОРЛАР УМУМИЙ ЙИҒИЛИШИНING ҚАРОРЛАРИNING БАЖАРИЛИШИ

10.1. Акциядорларнинг умумий йиғилиши томонидан қабул қилинган қарорлар, шунингдек овоз бериш якунлари акциядорларга қуйидаги тарзда маълум қилинади:

- Акциядорларнинг умумий йиғилиши тугагандан сўнг уларни эълон қилиш орқали;
- Акциядорлар умумий йиғилишининг баённомаси тузилган санадан эътиборан икки иш куни мобайнида муҳим фактларни ошкор қилиш орқали.

Жамият акциялари фонд биржаси листингида бўлган ҳолатда, Жамият фонд биржасининг расмий веб-сайтида тааллуқли ахборотни ҳам эълон қилиши шарт.

10.2. Акциядорлар умумий йиғилиши қарорларининг бажарилиши жараёни устидан назорат, агар қарорда бошқача қайд этилмаган ва йиғилиш баённомасида акс эттирилмаган бўлса, Жамиятнинг Кузатув кенгаши томонидан амалга оширилади.

10.3. Акциядорларнинг умумий йиғилиши қарорлари Акциядорларнинг умумий йиғилишида иштирок қилаётган ва иштирок қилмаётган акциядорларга тегишли қисми бўйича барча акциядорлар томонидан бажарилиши шарт.

**“IshONCh sug’urta kompaniyasi” AJK QK
акциядорларининг умумий
йиғилиши тўғрисидаги
Низомига 1- ИЛОВА**

20__ йил “__” _____да ўтказиладиган “IshONCh sug’urta kompaniyasi” AJK QK
Акциядорларининг йиллик/навбатдан ташқари умумий йиғилишида иштирок қилиш
ҳуқуқига эга акциядорларни қайд этиш рўйхати

Рўйхат 20__ йил “__” _____даги ҳолат бўйича Марказий депозитарий томонидан
шакллантирилган акциядорлар реестри асосида тузилган

Овоз берувчи акциялар сони: _____ дона (_____ сўм)

т/р	Ф.И.Ш. (акциядор номланиши)	Овоз берувчи акциялар сони	Устав фонди дан %	Акцияд ор имзоси	Вакил иштирокида тўлдирилади		
					Вакилнинг Ф.И.Ш.	Ваколатно ма рақами ва санаси	Вакил имзоси
1							
2							
...							

ЖАМИ:

Саноқ комиссияси аъзолари:

**“IshONCh sug’urta kompaniyasi” AJK QK
акциядорларининг умумий
йиғилиши тўғрисидаги
Низомига 2- ИЛОВА**

**“IshONCh sug’urta kompaniyasi” AJK QK Акциядорларнинг йиллик/навбатдан ташқари
умумий йиғилишида овоз бериш учун “_____”-сонли БЮЛЛЕТЕНЬ**

(“IshONCh sug’urta kompaniyasi” AJK QK Кузатув кенгашининг 20__ йил “__”
_____ даги қарори билан тасдиқланган)

Овоз берувчи акциялар сони

дона

Акциядорлар умумий йиғилиши ўтказиладиган жой – _____.

Йиғилиш санаси: “__” _____ 20__ йил,
Вақти: _____

Акциядор: _____
(Ф.И.Ш.)

Вакил Ф.И.Ш. ва Ваколатнома рақами: _____

т/р	Кун тартиби	Овоз бериш учун қўйилган масаланинг ифодаланиши	Масала бўйича овоз бериш вариантлари* (кераксиз жавоб устидан чизиб қўйилсин)		
1			ёқлайман	қаршиман	бетарафман
2			ёқлайман	қаршиман	бетарафман
...			ёқлайман	қаршиман	бетарафман

<p>Овоз бериш учун қўйилган масаланинг ифодаланиши: <i>Кумулятив овоз бериш билан амалга оширилади. Кумулятив овоз беришида ҳар бир акциядорга тегишли овозлар сони Кузатув кенгашига сайланадиган шахслар сонига кўпайтирилади ва акциядор шу тарзда олинган овозларни тўлиқ бир номзод учун беришга ёки уни икки ва ундан кўпроқ номзодлар ўртасида тақсимлашга ҳақлидир.</i></p> <p>Кумулятив овоз бериш бўйича овоз берувчи акциялар умумий сони _____</p>			
т/р	Номзодлар	Номзодлар тўғрисида маълумотлар	Берилган овозлар сони
1			
2			
...			

Акциядор ёки унинг вакили имзоси _____

* фақат битта овоз бериш варианты қолдирилади.

**“IshONCh sug’urta kompaniyasi” AJ QK Акциядорларнинг йиллик/навбатдан ташқари
умумий йиғилишини ўтказиш тўғрисида
БИЛДИРИШ ХАТИ**

Хурматли _____, “IshONCh sug’urta kompaniyasi” AJ QK (жойлашган манзили: _____) Сизга шуни хабар қиладики, 20__ йил “___” _____ да соат__ : __ да “IshONCh sug’urta kompaniyasi” AJ QK маъмурий биносида Жамият Кузатув кенгашининг 20__ йил “___” _____ даги йиғилиши “___”-сон баённома қарорига мувофиқ чақирилган Акциядорларнинг йиллик/навбатдан ташқари умумий йиғилиши ўтказилади.

Акциядорларнинг умумий йиғилишида иштирок қилиш ҳуқуқига эга акциядорлар рўйхати 20__ йил “___” _____ даги ҳолат бўйича тузилади.

КУН ТАРТИБИ:

- 1.
- 2.
- 3.
-

- Акциядорларнинг умумий йиғилишида иштирок қилиш учун рўйхатдан ўтказишда акциядор ёнида паспорт ёки Ўзбекистон Республикасининг амалдаги қонун ҳужжатларига мувофиқ шахсини тасдиқловчи бошқа ҳужжат, акциядор вакилида эса – бундан ташқари, тегишли тарзда расмийлаштирилган ваколатнома бўлиши керак.
- Акциядорларнинг ушбу эълон чиқарилган кундан эътиборан Акциядорларнинг йиллик/навбатдан ташқари умумий йиғилишида кўриб чиқиладиган материаллар билан қуйидаги манзил бўйича танишиб чиқишлари мумкин: _____
Акциядорларнинг умумий йиғилиши ўтказиладиган санагача иш кунларида соат ____ дан _____ гача.

Кузатув кенгаши

“IshONCh sug’urta kompaniyasi” AJK QK

Акциядор _____нинг
Акциядорлар умумий йиғилиши кун тартибига масала киритиш тўғрисидаги
ТАКЛИФИ

Тегишли акциялар сони:

_____ дона оддий акция
_____ дона имтиёзли акция.

Акциядорлар умумий йиғилиши кун тартибига киритиладиган масаланинг
ифодаланиши (унинг кун тартибига киритилиш сабаблари кўрсатилади):

Кузатув кенгаши аъзолигига кўрсатиладиган номзодлар (Ф.И.Ш., иш жойи, лавозими,
номзодга тегишли AJK акциялари сони, турлар бўйича ажратилган ҳолда):

Тафтиш комиссияси (тафтишчиси) аъзолигига кўрсатиладиган номзодлар (Ф.И.Ш., иш
жойи, лавозими, номзодга тегишли AJK акциялари сони, турлар бўйича ажратилган ҳолда):

Ф.И.Ш. _____

(имзо, сана)

“IshONCh sug’urta kompaniyasi” AJK QK

Акциядорлар навбатдан ташқари умумий йиғилишини чақириш тўғрисида
ТАЛАБНОМА

Йиғилиш чақирилишини талаб қилаётган шахс Ф.И.Ш. (номланиши):
_____ (Тафтиш комиссияси аъзоси (тафтишчиси)
томонидан талабнома бериладиган ҳолатда, бу ҳам ушбу устунда акс эттирилиши керак).

Тегишли акциялар сони (талабнома акциядор томонидан берилган ҳолатда
тўлдирилади):

_____ дона оддий акция;
_____ дона имтиёзли акция.

Талабнома мазмуни (Акциядорлар навбатдан ташқари умумий йиғилишини чақириш
сабаблари ифодаланади):

Акциядорлар умумий йиғилиши кун тартибига киритиладиган масаланинг
ифодаланиши (унинг кун тартибига киритилиш сабаблари кўрсатилади):

Кузатув кенгаши аъзолигига кўрсатиладиган номзодлар (Ф.И.Ш., иш жойи, лавозими,
номзодга тегишли AJK акциялари сони, турлар бўйича ажратилган ҳолда):

Ф.И.Ш. _____

(имзо, сана)